

佛說摩尼羅亶經

東晉西域三藏竺曇無蘭第二譯

聞如是一時佛在舍衛國祇樹給孤獨園時
與摩訶比丘僧說摩尼羅亶經佛問阿難言
天下人民得不安隱用何等故用天下萬民

行三

二十三

多有疾病者病痛者用何等故用出母腹痛
用湯心痛頭痛目眩不能飲食皆魔所爲今
諸比丘大懼怖如是便前白佛言痛從何所
來去至何所人民大愁憂不樂佛會諸比丘
摩訶迦葉惟阿那律離越摩訶目犍連舍利
弗阿難因持羅佛便說摩尼羅亶經佛便舉
諸佛名字第一惟衛佛第二式佛第三隨葉
佛第四拘留秦佛第五拘那含牟尼佛第六
迦葉佛第七釋迦文佛今是經皆從諸佛口
中出第一式又羅第二捷陀羅第三捷頭羅

第四彌佉羅第五捷朱羅第六摩油羅第七
阿須輪第八隨沙門第九隨孫第十慢提都
盧大小一切人民有得疾病者今佛令諸比
丘僧比丘尼優婆塞優婆夷皆當說是經有
國中鬼有山中鬼有林中鬼有草墓鬼有塚
間鬼有塚中鬼有地上鬼有水中鬼有水邊
鬼有火中鬼有火邊鬼有北斗鬼有虛空中
鬼有市井鬼有死人鬼有生人鬼有飢餓鬼
有道外鬼有道中鬼有堂外鬼有堂中鬼有
身中鬼有身外鬼有飯食鬼有卧時鬼有今
佛言赤色鬼有黑色鬼有長鬼有短鬼有大
鬼有小鬼有中適鬼有白色鬼有黃色鬼有
青色鬼有黑色鬼有夢寤鬼有朝起鬼有步
行鬼有飛行鬼有問人魂魄鬼有生人鬼有
死人鬼佛言若有瞋恚刀仗起時皆當念是

摩尼羅竈經諸鬼神則爲破碎佛告諸比丘
若有受是經者若有病瘦當說是經若有頭
痛目眩寒熱湯心常當讀是摩尼羅竈經諸
鬼神則頭破作七分若有縣官盜賊水火則
當讀是摩尼羅竈經諸鬼神不得復燒害人

行三

主明

今是經諸佛口中所出若有國中鬼一者名
深沙二者名浮丘是二鬼健行求人長短若
有頭痛目眩寒熱湯心即當舉是二鬼名字
便當說摩尼羅竈經是諸鬼神無不破碎者
若有青色鬼黃色鬼黑色鬼高大鬼卑小鬼
廣長鬼一切大小諸鬼神喜燒天下人民者
其鬼名金曼鬼薛荔鬼飢餓鬼慳貪鬼勤苦
鬼病瘦鬼有痛痒鬼有思想鬼身中鬼身外
鬼形殘鬼跛蹇鬼痛狂鬼癡聾鬼瘖瘂鬼呻
吟鬼啼哭鬼閑病鬼虛耗鬼嫉妬鬼魍魎鬼

熒惑鬼遊光鬼鎮厭鬼呪咀鬼伏尸注鬼賴
死注鬼官舍注鬼軍營鬼亭傳鬼獄死鬼囚
死鬼水死鬼溺死鬼火死鬼燒死鬼客死未
莖鬼市死鬼道路死鬼渴死鬼餓死鬼喝死
鬼未死鬼兵死鬼血死鬼腥死鬼逋禱死鬼
闕死鬼棒死鬼絞死鬼自懸死鬼自刺死鬼
怨家死鬼強死鬼腐皮鬼斷人毛髮鬼飲人
血鬼飛行鬼騎乘鬼駕車鬼步行鬼逢忤鬼
山神鬼石神鬼土神鬼海邊鬼海中鬼橋梁
鬼溝渠鬼道中鬼道外鬼胡夷鬼羌虜鬼樹
木精魅鬼百蟲精魅鬼鳥獸精魅鬼嶺谷鬼
門中鬼門外鬼戶中鬼戶外鬼井竈鬼汙池
鬼溷神鬼方道鬼蠱道鬼不臣屬鬼詐稱鬼
一切大小諸鬼神皆不得燒害其身鬼神不
隨我言者頭破作七分若人得病瘦者當舉

行三

二十五

是上諸鬼神名字呪病瘦者即得除差是經
釋迦文佛口中所出諸鬼神聞是經從今已
後悉破解愈佛說經已諸比丘比丘尼優婆
塞優婆夷諸天龍鬼神人民皆受佛恩前爲
佛作禮而去

佛說摩尼羅亶經

音釋

颯蒲切 亶多早切 螯施雙切 蟲奴定切 渾奴定切 渥奴定切
切丘切 迦郎擊切 軛郎擊切 坻都禮切 腕烏貫切 係息切
切與同 全蒲困切 巨普火切 關去規切 視切
舍水漬也 壘壘壘切 壘壘壘切 壘壘壘切